

ԳՐԱԽՕՍԱԿԱՆՆԵՐ

Արմէն Մարութեան, Հայոց Յեղասպանութեան Գործով Միջազգային Դատարան Դիմելու Հիմքերն Ու Հնարատրութիւնները, Երեւան, Տիր, 2014:

2015 թուականը հայութեան համար պատմական բնագիծ էր նշանաւորում: Հայոց Յեղասպանութեան 100ամեակը պահանջում էր առանձնայատուկ հայեցակարգային նոր մօտեցում: Հայութիւնը դադարել է զոհ լինելու բարոյոյթը կրելուց եւ իր ուտերից դէն է նետել զոհի մաշուած բաճկոնը: Հայութիւնը այժմ աշխարհի առջեւ հանդէս է գալիս իր պետականութիւնը վերականգնած արդի միջազգային հանրութեան լիիրաւ անդամ, իսկ Հայոց Յեղասպանութեան հարցը ճանաչման դաշտից տեղափոխուել է արդարացի պահանջատիրութեան դաշտ: Հենց սոյն տրամաբանութեամբ է իր մենագրութիւնը շարադրել ճանաչուած պատմաբան, ՀՀ ԳԱԱ Պատմութեան Ինստիտուտի Հայոց Յեղասպանութեան Բաժնի վարիչ Արմէն Մարութեանը: *Հայոց Յեղասպանութեան Գործով Միջազգային Դատարան Դիմելու Հիմքերն Ու Հնարատրութիւնները* վերնագրով աշխատանքը հրատարակուել է ՀՀ նախագահի գործընկեր կազմակերպութեան՝ Հայաստանի Երիտասարդական Հիմնադրամի դրամաշնորհային մրցոյթի շրջանակներում: Գրքի խմբագիրներն են ՀՀ ԳԱԱ Պատմութեան Ինստիտուտի գիտաշխատող, պատմական գիտութիւնների թեկնածու Համօ Սուքիասեանը եւ «Օրէնքի Ուժով» իրաւապաշտպան կազմակերպութեան հիմնադիր անդամ Լ. Գէորգեանը:

Գիրքը բաղկացած է առաջաբանից, երկու գլուխներից, եզրակացութիւններ եւ առաջարկներ բաժնից, օգտագործուած արբիւրների եւ գրականութեան ցանկից, յաւելումից: Առաջաբանում հեղինակը նշում է, որ յանցագործ պետութիւնը՝ Թուրքիան, ոչ միայն չի ընդունում պատմական փաստերը, այլեւ պետական մակարդակով վարում է Հայոց Յեղասպանութիւնը ժխտելու քաղաքականութիւն:

Եւ հենց սոյն քաղաքական ուղեգծով Թուրքիան փաստացիորէն Հայոց Յեղասպանութեան խնդիրը դուրս է բերել պատմական հարթութիւնից եւ վերածել՝ քաղաքական հարցի: Մի շարք միջազգային կազմակերպութիւններ եւ աւելի քան երկու տասնեակ պետութիւններ արդէն իսկ տուել են Հայոց Յեղասպանութեան քաղաքական

գնահատականը՝ այն որակելով որպես ծանր միջազգային յանցագործություն:

Սակայն Թուրքիան բնաւ չի ցանկանում համակերպուել Հայոց Յեղասպանութեան ճանաչման եւ դատապարտման վերոնշեալ բանաձեւերի հետ, տարաբնոյթ միջոցներ ձեռնարկելով համանման բանաձեւերի արձանագրումն ու վաւերացումը այլ երկրներում թոյլ չտալու համար:

Ուստի, ըստ հեղինակի, հայութեանը որպէս այդ յանցագործութիւնից տուժած ժողովրդի, այլ ելք չի մնում, քան Հայոց Յեղասպանութեան հարցը միջազգային իրաական դաշտ տեղափոխելն ու այն միջազգային դատական ատեանում լուծելը:

Աշխատութեան առաջին գլխում («Մարդկութեան Դէմ Կատարուած Յանցագործութիւնների Դատապարտման Դատական Պրակտիկան») ըննութեան է առնում մարդկութեան դէմ կատարուած յանցագործութիւնները դատապարտող միջազգային դատական ատեանի ստեղծման նախադրեալները: Հեղինակը հաշուի առնելով այն հանգամանքը, որ միջազգային իրաւունքում մեծ նշանակութիւն է տրուում նաեւ իրաւակիրառական ոլորտին, ներկայացնում է այլ ժողովուրդների նկատմամբ կատարուած ծանրագոյն ոճրագործութիւնների գործերով ազգային, միջազգային ու միջազգայնացուած դատական ատեաններում կայացած դատավարութիւնների ընթացքը, դրանք դիտարկելով իբրեւ նախադէպեր՝ միջազգային դատական ատեանում Հայոց Յեղասպանութեան գործով հայցի ներկայացման ու քաւարարման համար:

Այդ կարգի առաջին նախադէպի փորձն արուել է Ա. Համաշխարհային Պատերազմի աւարտից անմիջապէս յետոյ՝ 1918 Դեկտեմբերին, երբ յաղթական տէրութիւնների կողմից ստեղծուած պատերազմի օրէնքների եւ սովորոյթների խախտումները հետազօտող յանձնաժողովը առաջարկել է հիմնել միջազգային ատեան՝ Գերմանիայի նախկին կայզերին եւ այլ քարձրաստիճան պաշտօնեաներին ոչ միայն պատերազմական սովորոյթներն ու օրէնքները, այլեւ մարդասիրական սկզբունքները խախտելու դիմաց պատասխանատուութեան ենթարկելու համար:

Ընդ որում վերոնշեալ պատասխանատուութիւնը պէտք է տարածուէր նաեւ Աւստրիայի, Օսմանեան Կայսրութեան եւ Բուլղարիայի վրայ: Ենթադրում էր, որ ստեղծուելիք միջազգային ատեանի մասին դրոյթները պէտք է ամրագրուէին պարտուած պետութիւնների հետ կնքուելիք խաղաղութեան պայմանագրերում: Ի վերջոյ, վերոնշեալ դրոյթները ամրագրուեցին Վերսայի Հաշտութեան

Պայմանագրի 227րդ և 228րդ յօդուածներում: Մասնաւորապէս, 228րդ յօդուածում Գերմանիան ճանաչում եւ ընդունում էր պատերազմական յանցագործներին դատելու տէրութիւնների իրատեսքը եւ պարտաւորում էր նրանց յանձնել մեղադրեալներին: Սակայն, միջազգային ատենակի ստեղծումը առարկայական եւ ենթակայական պատճառներով ձախողուեց:

1920ին Ազգերի Լիգային ներկայացուել է քրեական գործերով միջազգային արդարադատութեան բարձրագոյն դատարանի ստեղծման մասին որոշման նախագիծը, որը նոյնպէս չի ընդունուել այն պատճառաբանութեամբ, թէ դեռեւս գոյութիւն չունի բոլոր ժողովուրդների կողմից ընդունուած միջազգային քրեական իրատեսքը:

Մարուքեանը փաստարկում է, որ միջազգային քրեական իրատեսքի բացակայութիւնը խոչընդոտ եղաւ միջազգային քրեական դատարանի ստեղծման ճանապարհին եւ հենց այս հանգամանքն էլ հնարաւորութիւն ընձեռեց երիտօրօք պարագլուխներին խուսափել իրական պատասխանատուութիւնից եւ բաւարարուել թուրքական ազգային ռազմական ատենանում երիտօրօքերի դատաւարութեան բեմականացմամբ:

«Յեղասպանութեան» Իբրեւ Մարդկութեան Դէմ Կատարուած Յանցագործութեան Դատապարտումը Ազգային Դատարաններում» ենթագլխում հեղինակը մանրակրկիտ վերլուծում ու պարզաբանում է յատկապէս երիտօրօքերի դատաւարութեան գործընթացի էութիւնը թուրքական ռազմական ատենաններում, կատարելով թարմ հարցադրումներ ու բացառիկ կարեւոր եզրայանգումներ:

Պատմաբանը նշում է, որ ժամանակի պաշտօնական եւ ոչ-պաշտօնական թուրքական մամուլում օսմաներէնով հրատարակուել են վերոնշեալ դատաւարութիւնների արձանագրութիւնները, որոնք Հայոց Յեղասպանութեան փաստը հաստատող չափազանց կարեւոր եւ անժխտելի վաւերագրեր են: Միաժամանակ նա փաստարկում է, որ օրուայ թուրքական իշխանութիւնները կամաւոր գնացին երիտօրօքական յանցագործներին սեփական ռազմական ատենանում դատապարտելու քայլին, քանի որ դրանով իսկ փորձում էին կանխարգելել վերոնշեալ անձանց դատելու հնարաւորութիւնը ապագայում ստեղծուելիք միջազգային ատենանում: Հեղինակը միաժամանակ ընդգծում է միա կարեւոր եզրայանգումը. երիտօրօքերի դատաւարութիւնը նախաձեռնողները նպատակադրուել էին ռազմական յանցագործութիւնների մեղքը բարդել բացառապէս Միութիւն եւ Առաջադիմութիւն Կուսակցութեան վրայ՝ փորձելով այդպէսով պատասխանատուութիւնից եւ վարկաբեկումից զերծ պահել թուրք ազգին եւ թուրքական պետականութեանը: Ակնյայտ էր, որ Հայոց

Տեղապանության հիմնական կազմակերպիչներին՝ էնվերին, Թալեթին, Ջեմալին, Նազըմին և այլոց նախապես թոյլ էին տուել հեռանալու երկրից, քանի որ այդ մեղադրեալների յանցաքննության ընթացքում կը բացայայտուէին բազում փաստեր, որոնք էլ միանշանակօրէն կը յանգեցնէին թուրքական պետութեան պատասխանատուութեանը:

Հեղինակը իրաւացիօրէն նշում է, որ թուրքական պետութեան մէջ արդարադատութեան ճախողեցումը իրականացում էր պետական բարձր մակարդակով: Ռազմական, Ներքին Գործերի և Արդարադատութեան նախարարութիւններում թաքցում ու ոչնչացում էին կարեւոր փաստաթղթեր, գաղտնի և յուժ գաղտնի համարուող նիւթեր, տեղական իշխանութիւններին արգելում էր իրականացնել դատական կարգադրութիւնները, մեղադրեալներին օգնում էին քաշնուել արդարադատութիւնից և հեռանալ երկրից: Փաստօրէն, սոյն դատավարութիւնը վերածուել էր լաւ բեմականացուած ներկայացման. այն հետապնդում էր հայոց մեծ ողբերգութեանը քաջատեղեակ միջազգային հանրութեանը հանգստացնելու քաղաքական նպատակ՝ ցոյց տալով յաղթանակած Անտանտի Տէրութիւններին, որ "նոր Թուրքիան" իբր պատժում է պատերազմական յանցագործներին:

Հեղինակի խորին համոզումով, իրականութեանը բնաւ չի համապատասխանում այն թեզը, թէ երիտթուրքերի դատավարութիւնը թուրքական իշխանութիւնները կազմակերպեցին Անտանտի, կամ հենց միայն Բրիտանիայի ճնշման ներքոյ, որի զօրքերը յաղթողի կարգավիճակով գտնուում էին Կ.Պոլսում:

Այո, պատմական իրողութիւնները հաստատում են, որ երիտթուրքերի նկատմամբ այդ դատավարութիւնը նախաձեռնուեց բացառապէս ելնելով այն բանից, որ թուրքական պետութիւնը խուսափի միջազգային ատեանից, որը նախատեսուում էր ստեղծել Օսմանեան Կայսրութիւնում պատերազմի ընթացքում կատարուած զանգուածային ոճրագործութիւնների առնչութեամբ:

Աշխատութեան մէջ քննութեան առնելով Սողոմոն Թեիլերեանի և Էյիմանի դատական գործերի նշանակութիւնը, հեղինակը մատնանշում է այդ երկու գործընթացների միջեւ եղած ընդհանուր և մասնատր առանձնայատկութիւնները. Թալեթի դէմ մահուան դատավճիռը ի կատար է ածուել ոչ թէ նրան դատապարտած Թուրքիայի կամ միջազգային արդարադատութեան, այլ հայ վրիժառու Թեիլերեանի կողմից: Իսկ նացիստական ոճրագործ Էյիմանին առեւանգած իսրայէլական յատուկ ծառայութիւնները ստիպուած էին խախտել Արգենտինայի գերիշխանութիւնը, որպէսզի Իսրայէլի դատարանը

միջազգային արդարադատութիւն իրականացնի Նիւրնբերգի ատենից խուսափած յանցագործի նկատմամբ:

Մի շարք բաժիններում («Մարդկութեան Դէմ Կատարուած Յանցագործութիւնների Դատապարտումը ad hoc Միջազգային Տրիբունալներում», «Յեղասպանութեան եւ Մարդկութեան Դէմ Կատարուած Յանցագործութիւնների Դատապարտումը Միջազգային Մշտական Դատական Ատեններում», «Մարդկութեան Դէմ Կատարուած Յանցագործութիւնների Դատապարտումը "Հիբրիդային" Միջազգային-Ազգային Դատական Ատեններում»), Մարուքեանը գնահատում, իմաստաւորում եւ ընդհանրացնում է այն փորձն ու փորձառութիւնը, որ մարդկութեանը կոտակել է ծանրագոյն ոճրագործութիւններ կատարած անհատների եւ պետութիւնների դէմ իրականացուած միջազգային ատեններում: Այդ առումով միշտ արդիական, ուսանելի եւ օրակարգային կը մնան նացիստական յանցագործների եւ ճապոնացի մարտականների դատապարտման դասական օրինակները նիւրնբերգեան եւ Տոկիոյի միջազգային ռազմական ատեններում՝ ի տես համայն մարդկութեան:

Աշխատութեան երկրորդ գլուխն ամբողջութեամբ նուիրուած է Հայոց Յեղասպանութեան գործով միջազգային դատարան ներկայացուելիք հայցադիմումի կազմման ու ներկայացման հիմնախնդիրներին ու հնարատրութիւններին: Ըստ այդմ, հեղինակը մանրամասնում է Հայոց Յեղասպանութեան գործով ՄԱԿի Միջազգային Դատարան ներկայացուելիք հայցադիմումի բաղադրիչները, որոնք դատական կազմակերպուած դատընթաց սկսելու հնարատրութիւնները կ'ընձեռեն հայկական կողմին: Վերոնշեալ բաղադրիչները լիովի բաւականացնում են միջազգային դատական գործընթացի մեկնարկը:

Ըստ հեղինակի, անհրաժեշտ պատմական եւ իրական բաղադրիչների միջոցով փաստական հանգամանքների ու ապացոյցների ներկայացումից ու իրատունքի տեսակէտից դրանց գնահատական տալուց յետոյ հայցադիմումը պէտք է եզրափակուի Հայոց Յեղասպանութիւնից յետոյ հայ ժողովրդի կրած կորուստներն ու դրանց հետեանքներն արտայայտող դատարանին ներկայացուող պահանջներով: Իսկ կորուստներն ու հետեանքները պայմանակաւորէն բաժանում են հետեւեալ խմբերի. ա) Հայրենագրկում, բ) Մարդկային կորուստներ, գ) Մշակութային ժառանգութեան կորուստ, դ) Նիւթական կորուստներ: Սոյն չորս խմբերի վերաբերեալ պատմաբանը աշխատութեան էջերում հանդէս է գալիս որոշակի փաստերով ու փաստարկումներով: Այնուհետեւ ըննութեան է առնում ՄԱԿի Միջազգային Դատարանում Հայոց

Յեղասպանության գործով դատական ընթացակարգերը եւ որոշման հնարատր տարբերակների հաանականության ընթացքը:

Ընդ որում, նշում ու հիմնատրում է, որ Հայոց Յեղասպանության գործով ՄԱԿի Միջազգային Դատարան դիմելու գործընթացը պետք է լրջօրէն նախապատրաստուած ու ապահովագրուած լինի դրան նախորդող ու դրա հետ զուգահեռ տարուող քաղաքական գործընթացով:

Աշխատութեանը կից յաւելուածում դիտարկում է Թուրքիայի հրահրմամբ եւ աջակցութեամբ քեսաքահայութեան նկատմամբ (Մարտ 2014) կատարուած յանցագործութիւնների քննութեան հնարատրութիւնը Միջազգային Քրէական Դատարանում:

Որպէս այս ամէնի ամփոփում եւ եզրայանգում, պիտի արծանագրենք, որ վաստակաշատ պատմաքան Արմէն Մարութեանի սոյն աշխատութիւնը նոր, թարմ խօսք է Հայոց Յեղասպանութեան ճանաչման եւ հատուցման գործը իրաական հարթութեան վրայ կառուցելու եւ այդ կերպ յետագայ պայքարը շարունակելու առումով:

Պատմաքանը քարեխղճօրէն ուսումնասիրել է միջազգային իրաական ու դատական առկայ վիթխարի փորձը եւ նշել այն մեթօդներն ու ուղիները, որով պետք է ընթանայ յանուն հայոց պահանջատիրութեան մղուող արդարացի ու անքեկ պայքարը:

ԱՐՄԷՆ ԿԱՐԱՊԵՏԵԱՆ
erevan-51@mail.ru